

# 资治通鉴



### 《资治通鉴》简介 《资治通鉴》是中国古代一部重要的编年体通史，由北宋史学家司马光主编，历时19年完成。全书共294卷，记载了从周威烈王二十三年（公元前403年）到五代后周显德六年（公元959年）共13...年的历史。书名“资治”意为有助于治理国家，“通鉴”则指全面借鉴历史。##  
# 作者司马光 司马光（1019年 - 1086年），字君实，号迂叟，陕州夏县（今山西夏县）人，北宋政治家、史学家、文学家。他不仅是《资治通鉴》的主

司马光

# 目 录

## 周纪

- (卷一) 周纪一(起著雍摄提格，尽玄默困敦，凡三十五年)
- (卷二) 起昭阳赤奋若，尽上章困敦，凡四十八年。
- (卷三) 起重光赤奋若，尽昭阳大渊献，凡二十三年。
- (卷四) 起阏逢困敦，尽著雍困敦，凡二十五年。
- (卷五) 起屠维赤奋若，尽旃蒙大荒落，凡十七年。

## 秦纪

- (卷一) 起柔兆敦牂，尽昭阳作噩，凡二十八年。
- (卷二) 起阏逢阍茂，尽玄默执徐，凡十九年。
- (卷三) 起昭阳大荒落，尽阏逢敦牂，凡二年。

## 汉纪

- (卷一) 起旃蒙协洽，尽柔兆涒滩，凡二年。
- (卷二) 起强圉作噩，尽著雍阍茂，凡二年。
- (卷三) 起屠维大渊献，尽重光赤奋若，凡三年。
- (卷四) 起玄默摄提格，尽昭阳赤奋若，凡十二年。
- (卷五) 起阏逢摄提格，尽昭阳大渊献，凡十年。
- (卷六) 起阏逢困敦，尽重光协洽，凡八年。
- (卷七) 起玄默涒滩，尽柔兆阍茂，凡十五年。
- (卷八) 起强圉大渊献，尽上章困敦，凡十四年。
- (卷九) 起重光赤奋若，尽强圉协洽，凡七年。
- (卷十) 起著雍滩，尽柔兆执徐，凡九年。
- (卷十一) 起强圉大荒落，尽玄默阍茂，凡六年。
- (卷十二) 起昭阳大渊献，尽重光协洽，凡九年。
- (卷十三) 起玄默涒滩，尽玄默敦牂，凡十一年。
- (卷十四) 起昭阳协洽，尽阏逢敦牂，凡十二年。
- (卷十五) 起旃蒙协洽，尽柔兆敦牂，凡十二年。
- (卷十六) 起强圉协洽，尽昭阳赤奋若，凡七年。
- (卷十七) 起阏逢摄提格，尽屠维协洽，凡六年。
- (卷十八) 起上章涒滩，尽玄默阍茂，凡三年。
- (卷十九) 起昭阳大渊献，尽玄默涒滩，凡十年。
- (卷二十) 起昭阳作噩，尽屠维单阏，凡七年。
- (卷二十一) 起上章执徐，尽著雍困敦，凡九年。
- (卷二十二) 起屠维赤奋若，尽著雍阍茂，凡十年。
- (卷二十三) 起屠维大渊献，尽强圉协洽，凡九年。

(卷二十四) 起著雍涪滩，尽昭阳赤奋若，凡六年。

(卷二十五) 起阙逢摄提格，尽旃蒙单阏，凡二年。

(卷二十六) 起柔兆执徐，尽著雍敦牂，凡三年。

(卷二十七) 起屠维协洽，尽玄默阉茂，凡四年。

(卷二十八) 起昭阳大渊献，尽著雍执徐，凡六年。

(卷二十九) 起屠维大荒落，尽阙逢阉茂，凡六年。

(卷三十) 起旃蒙大渊献，尽玄默敦牂，凡八年。

(卷三十一) 起昭阳协洽，尽阙逢涪滩，凡二年。

(卷三十二) 起旃蒙作噩，尽柔兆阉茂，凡二年。

(卷三十三) 起强圉大渊献，尽屠维赤奋若，凡三年。

(卷三十四) 起上章摄提格，尽旃蒙协洽，凡六年。

(卷三十五) 起柔兆涪滩，尽柔兆敦牂，凡十一年。

(卷三十六) 起强圉协洽，尽上章涪滩，凡十四年。

(卷三十七) 起重光作噩，尽旃蒙大渊献，凡十五年。

(卷三十八) 起柔兆困敦，尽阙逢涪滩，凡九年。

(卷三十九) 起旃蒙作噩，尽重光单阏，凡七年。

(卷四十) 起玄默执徐，尽旃蒙大荒落，凡十四年。

(卷四十一) 起柔兆敦牂，尽旃蒙单阏，凡十年。

(卷四十二) 起柔兆执徐，尽阙逢困敦，凡九年。

(卷四十三) 起旃蒙赤奋若，尽昭阳作噩，凡九年。

(卷四十四) 起阙逢阉茂，尽旃蒙作噩，凡十二年。

(卷四十五) 起柔兆阉茂，尽柔兆涪滩，凡十一年。

(卷四十六) 起强圉作噩，尽昭阳单阏，凡七年。

(卷四十七) 起阙逢执徐，尽柔兆敦牂，凡三年。

(卷四十八) 起强圉协洽，尽重光大渊献，凡五年。

(卷四十九) 起玄默困敦，尽上章涪滩，凡九年。

(卷五十) 起重光作噩，尽强圉单阏，凡七年。

(卷五十一) 起著雍执徐，尽上章敦牂，凡三年。

(卷五十二) 起重光协洽，尽昭阳作噩，凡三年。

(卷五十三) 起癸逢阉茂，尽旃蒙大渊献，凡二年。

(卷五十四) 起柔兆困敦，尽著雍摄提格，凡三年。

(卷五十五) 起屠维单阏，尽上章执徐，凡二年。

(卷五十六) 起重光大荒落，尽旃蒙作噩，凡五年。

(卷五十七) 起柔兆阉茂，尽著雍困敦，凡三年。

(卷五十八) 起屠维赤奋若，尽昭阳大荒落，凡五年。

(卷五十九) 起阙逢敦牂，尽柔兆涪滩，凡三年。

(卷六十) 起强圉作噩，尽屠维大渊献，凡三年。

## 魏纪

(卷一) 起上章困敦，尽玄默摄提格，凡三年。

(卷二) 起昭阳单阏，尽强圉协洽，凡五年。

(卷三) 起著雍涿滩，尽上章阏茂，凡三年。

(卷四) 起重光大渊献，尽阏逢摄提格，凡四年。

(卷五) 起旃蒙单阏，尽强圉大荒落，凡三年。

(卷六) 起著雍敦牂，尽旃蒙赤奋若，凡八年。

(卷七) 起柔兆摄提格，尽玄默涿滩，凡七年。

(卷八) 起昭阳作噩，尽旃蒙大渊献，凡三年。

(卷九) 起柔兆困敦，尽重光大荒落，凡六年。

(卷十) 起玄默敦牂，尽癸逢涿滩，凡三年。

## 晋纪

(卷一) 起旃蒙作噩，尽玄默执徐，凡八年。

(卷二) 起昭阳大荒落，尽屠维大渊献，凡七年。

(卷三) 起上章困敦，尽著雍涿滩，凡九年。

(卷四) 起屠维作噩，尽著雍郭牂，凡十年。

(卷五) 起屠维协洽，尽目章涿滩，凡二年。

(卷六) 起重光作噩，尽玄默阏茂，凡二年。

(卷七) 起昭阳大渊献，尽阏逢困敦，凡二年。

(卷八) 起旃蒙赤奋若，尽著雍执徐，凡四年。

(卷九) 起屠维大荒落，尽重光协洽，凡三年。

(卷十) 起玄默涿滩，尽昭阳作噩，凡二年。

(卷十一) 起阏逢阏茂，尽柔兆困敦，凡三年。

(卷十二) 起强圉赤奋若，尽著雍摄提格，凡二年。

(卷十三) 起屠维单阏，尽重光大荒落，凡三年。

(卷十四) 起玄默敦牂，尽昭阳协洽，凡二年。

(卷十五) 起阏逢涿滩，尽强圉大渊献，凡四年

(卷十六) 起著雍困敦，尽重光单阏，凡四年。

(卷十七) 起玄默执徐，尽强圉作噩，凡六年。

(卷十八) 起著雍淹茂，尽重光赤奋若，凡四年。

(卷十九) 起玄默摄提格，尽强圉协洽，凡六年。

(卷二十) 起著雍涿滩，尽上章淹茂，凡三年。

(卷二十一) 起重光大渊献，尽阏逢摄提格，凡四年。

(卷二十二) 起旃蒙单阏，尽屠维协洽，凡五年。

(卷二十三) 起上章涿滩，尽著雍执徐，凡九年。

- (卷二十四) 起屠维大荒落，尽上章敦牂，凡二年。
- (卷二十五) 起重光协洽，尽旃蒙大渊献，凡五年。
- (卷二十六) 起柔兆困敦，尽玄默敦牂，凡七年。
- (卷二十七) 起昭阳协洽，尽阍逢涸滩，凡二年。
- (卷二十八) 起旃蒙作噩，尽柔兆陶茂，凡二年。
- (卷二十九) 起强圉大渊献，尽重光单阏，凡五年。
- (卷三十) 起玄默执徐，尽柔兆涸滩，凡五年。
- (卷三十一) 强圉作噩，一年
- (卷三十二) 著雍陶茂，一年。
- (卷三十三) 起屠维大渊献，尽上章困敦，凡二年。
- (卷三十四) 起重光赤奋若，尽玄默摄提格，凡二年。
- (卷三十五) 起昭阳单阏，尽阍逢执徐，凡二年。
- (卷三十六) 起旃蒙大荒落，尽著雍涸滩，凡四年。
- (卷三十七) 起屠维作噩，尽上章陶茂，凡二年。
- (卷三十八) 起重光大渊献，尽阍逢摄提格，凡四年。
- (卷三十九) 起旃蒙单阏，尽柔兆执徐，凡二年。
- (卷四十) 起强圉大荒落，尽屠维协洽，凡三年。

#### 宋纪

- (卷一) 起上章涸滩，尽昭阳大渊献，凡四年。
- (卷二) 起阍逢困敦，尽强圉单阏，凡四年。
- (卷三) 起著雍执徐，尽上章敦牂，凡三年。
- (卷四) 起重光协洽，尽旃蒙大渊献，凡五年。
- (卷五) 起柔兆困敦，尽重光大荒落，凡六年。
- (卷六) 起玄默敦牂，尽柔兆陶茂，凡五年。
- (卷七) 起强圉大渊献，尽上章摄提格，凡四年。
- (卷八) 起重光单阏，尽玄默执徐，凡二年。
- (卷九) 昭阳大荒落，一年。
- (卷十) 起阍逢敦牂，尽著雍陶茂，凡五年。
- (卷十一) 起屠维大渊献，尽阍逢执徐，凡六年。
- (卷十二) 旃蒙大荒落，一年。
- (卷十三) 柔兆敦牂，一年。
- (卷十四) 起强圉协洽，尽上章陶茂，凡四年。
- (卷十五) 起重光大渊献，尽旃蒙单阏，凡五年。
- (卷十六) 起柔兆执徐，尽著雍敦牂，凡三年。

#### 齐纪

- (卷一) 起屠维协洽，尽昭阳大渊献，凡五年。

- (卷二) 起阏逢困敦，尽屠维大荒落，凡六年。
- (卷三) 起上章敦牂，尽玄默涒滩，凡三年。
- (卷四) 昭阳作噩，一年。
- (卷五) 阏逢阉茂，一年。
- (卷六) 起旃蒙大渊献，尽柔兆困敦，凡二年。
- (卷七) 起强圉赤奋若，尽著雍摄提格，凡二年。
- (卷八) 屠维单阏，一年。
- (卷九) 上章执徐，一年。
- (卷十) 重光大荒落，一年。

#### 梁纪

- (卷一) 起玄默敦牂，尽阏逢涒滩，凡三年。
- (卷二) 起旃蒙作噩，尽强圉大渊献，凡三年。
- (卷三) 起著雍困敦，尽阏逢敦牂，凡七年。
- (卷四) 起旃蒙协洽，尽著雍阉茂，凡四年。
- (卷五) 起屠维大渊献，尽昭阳单阏，凡五年。
- (卷六) 起阏逢执徐，尽旃蒙大荒落，凡二年。
- (卷七) 起柔兆敦牂，尽强圉协洽，凡二年。
- (卷八) 著雍涒滩（戎申），一年。
- (卷九) 屠维作噩，一年。
- (卷十) 上章阉茂，一年。
- (卷十一) 起重光大渊献，尽玄默困敦，凡二年。
- (卷十二) 起昭阳赤奋若，尽阏逢摄提格，凡二年。
- (卷十三) 起旃蒙单阏，尽强圉大荒落，凡三年。
- (卷十四) 起著雍敦牂，尽阏逢困敦，凡七年。
- (卷十五) 起旃蒙赤奋若，尽柔兆摄提格，凡二年。
- (卷十六) 强圉单阏，一年。
- (卷十七) 著雍执徐，一年。
- (卷十八) 屠维大荒落，一年。
- (卷十九) 上章敦牂，一年。
- (卷二十) 起重光协洽，尽玄默涒滩，凡二年。
- (卷二十一) 起昭阳作噩，尽阏逢阉茂，凡二年。
- (卷二十二) 起旃蒙大渊献，尽柔兆困敦，凡二年。

#### 陈纪

- (卷一) 起强圉赤奋若，尽屠维单阏，凡三年。
- (卷二) 起上章执徐，尽玄默敦牂，凡三年。
- (卷三) 起昭阳协洽，尽柔兆阉茂，凡四年。

(卷四) 起强圉大渊献，尽重光单阏，凡五年。

(卷五) 起玄默执徐，尽阏逢敦，凡三年。

(卷六) 起旃蒙协洽，尽柔兆涖滩，凡二年。

(卷七) 起强圉作噩，尽屠维大渊献，凡三年。

(卷八) 上章困敦，一年。

(卷九) 起重光赤奋若，尽昭阳单阏，凡三年。

(卷十) 起阏逢执徐，尽著雍涖滩，凡五年。

## 隋纪

(卷一) 起屠维作噩，尽重光大渊献，凡三年。

(卷二) 起玄默困敦，尽屠维协洽，凡八年。

(卷三) 起上章滩，尽昭阳大渊献，凡四年。

(卷四) 起阏逢困敦，尽强圉单阏，凡四年。

(卷五) 起著雍执徐，尽玄默涖滩，凡五年。

(卷六) 起昭阳作噩，尽旃蒙大渊献，凡三年。

(卷七) 起柔兆困敦，尽强圉赤奋若五月，凡一年有奇。

(卷八) 起强圉赤奋若六月，不满一年。

## 唐纪

(卷一) 起著雍摄提格正月，尽七月，不满一年。

(卷二) 起著雍摄提格八月，尽十二月，不满一年。

(卷三) 起屠维单阏正月，尽十月，不满一年。

(卷四) 起屠维单阏十一月，尽重光大荒落二月，凡一年有奇。

(卷五) 起重光大荒落三月，尽十二月，不满一年。

(卷六) 起玄默敦牂，尽阏逢涖滩五月，凡二年有奇。

(卷七) 起阏逢涖滩六月，尽柔兆陶茂八月，凡二年有奇。

(卷八) 起柔兆陶茂九月，尽著雍困敦七月，凡二年。

(卷九) 起著雍困敦九月，尽重光单阏，凡三年有奇。

(卷十) 起玄默执徐，尽强圉作噩四月，凡五年有奇。

(卷十一) 起强圉作噩五月，尽上章困敦，凡三年有奇。

(卷十二) 起重光赤奋若，尽昭阳单阏三月，凡二年有奇。

(卷十三) 趣昭阳单阏四月，尽旃蒙大荒落五月，凡二年有奇。

(卷十四) 起旃蒙大荒落六月，尽著雍涖滩三月，凡二年有奇。

(卷十五) 起著雍涖滩四月，尽阏蒙单阏九月，凡七年有奇。

(卷十六) 起旃蒙单癸十月，尽玄勣陶茂七月，凡六年有奇。

(卷十七) 起玄勣陶茂八月，尽上章困敦，凡八年有奇。

(卷十八) 起重光协洽，尽重光大荒落，凡十一年。

(卷十九) 起玄默敦牂，尽柔兆陶茂，凡五年。

(卷二十) 起强圉大渊献，尽重光单阏，凡五年。

(卷二十一) 起玄默执徐，尽柔兆涖滩，凡五年。

(卷二十二) 起强圉作噩，尽上章困敦六月，凡三年有奇。

(卷二十三) 起上章困敦七月，尽旃蒙大荒落正月，凡四年有奇。

(卷二十四) 起旃蒙大荒落二月，尽强圉协洽，凡二年有奇。

(卷二十五) 起著雍涖滩，尽上章阉茂七月，凡二年有奇。

(卷二十六) 起上章阉茂八月，尽昭阳赤奋若，凡三年有奇。

(卷二十七) 起单阏摄提格，尽强圉大荒落，凡四年。

(卷二十八) 起著雍敦牂，尽旃蒙赤奋若，凡八年。

(卷二十九) 起柔兆摄提格，尽昭阳作噩，凡八年。

(卷三十) 起单阏阉茂，尽重光大荒落，凡八年。

(卷三十一) 起玄默敦牂，尽强圉大渊献十一月，凡五年有奇。

(卷三十二) 起强圉大渊献十二月，尽昭阳大荒落，凡六年有奇。

(卷三十三) 起单阏敦牂，尽柔兆涖滩四月，凡二年有奇。

(卷三十四) 起柔兆涖滩五月，至九月，不满一年。

(卷三十五) 起柔兆涖滩十月，尽强圉作噩闰月，不满一年。

(卷三十六) 起强圉作噩九月，尽著雍阉茂，凡一年有奇。

(卷三十七) 起屠维大渊献，尽上章困敦，凡二年。

(卷三十八) 起重光赤奋若，尽昭阳单阏六月，凡二年有奇。

(卷三十九) 起昭阳单阏七月，尽旃蒙大荒落十月，凡二年有奇。

(卷四十) 起旃蒙大荒落闰月，尽昭阳赤奋若，凡八年有奇。

(卷四十一) 起单阏摄提格，尽屠维协洽七月，凡五年有奇。

(卷四十二) 起屠维协洽八月，尽重光作噩五月，凡一年有奇。

(卷四十三) 起重光作噩六月，尽玄默阉茂，凡一年有奇。

(卷四十四) 起昭阳大渊献正月，尽十月，不满一年。

(卷四十五) 起昭阳大渊献十一月，尽单阏困敦正月，不满一年。

(卷四十六) 起单阏困敦二月，尽四月，不满一年。

(卷四十七) 起单阏困敦五月，尽旃蒙赤奋若七月，凡一年有奇。

(卷四十八) 起旃蒙赤奋若八月，尽强圉单阏七月，凡二年。

(卷四十九) 起强圉单阏八月，尽重光协洽，凡四年有奇。

(卷五十) 起玄默涖滩，尽单阏阉茂五月，凡二年有奇。

(卷五十一) 起单阏阉茂六月，尽上章执徐，凡六年有奇。

(卷五十二) 起重光大荒落，尽旃蒙作噩，凡五年。

(卷五十三) 起柔兆阉茂，尽屠维赤奋若六月，凡三年有奇。

(卷五十四) 起屠维赤奋若七月，尽玄默执徐九月，凡三年有奇。

(卷五十五) 起玄默执徐十月，尽柔兆涖滩，凡四年有奇。



- (卷五十六) 起强圉作噩，尽屠维大渊献正月，凡二年有奇。
- (卷五十七) 起屠维大渊献二月，尽重光赤奋若六月，凡二年有奇。
- (卷五十八) 起重光赤奋若七月，尽玄默摄提格，凡一年有奇。
- (卷五十九) 起昭阳单阏，尽著雍涿滩，凡六年。
- (卷六十) 起屠维作噩，尽昭阳赤奋若，凡五年。
- (卷六十一) 起阏逢摄提格，尽强圉大荒落，凡四年。
- (卷六十二) 起著雍敦牂，尽玄默陶茂，凡五年。
- (卷六十三) 起昭阳大渊献，尽阏逢困敦七月，凡一年有奇。
- (卷六十四) 起阏逢困敦闰月，尽屠维大荒落，凡五年有奇。
- (卷六十五) 起上章敦牂，尽屠维单阏，凡十年。
- (卷六十六) 起上章执徐，尽强圉大渊献，凡八年。
- (卷六十七) 起著雍困敦，尽屠维赤奋若，凡二年。
- (卷六十八) 起上章摄提格，尽柔兆涿滩，凡七年。
- (卷六十九) 起强圉作噩，尽上章困敦十月，凡三年有奇。
- (卷七十) 起上章困敦十一月，尽玄默摄提格四月，凡一年有奇。
- (卷七十一) 起玄默摄提格五月，尽阏逢执徐五月，凡二年有奇。
- (卷七十二) 起阏逢执徐六月，尽强圉协洽三月，凡二年有奇。
- (卷七十三) 起强圉协洽四月，尽著雍涿滩，凡一年有奇。
- (卷七十四) 起屠维作噩，尽重光大渊献，凡三年。
- (卷七十五) 起玄默困敦，尽阏逢摄提格，凡三年。
- (卷七十六) 起旃蒙单阏，尽柔兆执徐，凡二年。
- (卷七十七) 起强圉大荒落，尽屠维协洽，凡三年。
- (卷七十八) 起上章涿滩，尽重光作噩，凡二年。
- (卷七十九) 起玄默陶茂，尽昭阳大渊献正月，凡一年有奇。
- (卷八十) 起昭阳大渊献二月，尽阏逢困敦闰月，凡一年有奇。
- (卷八十一) 起阏逢困敦五月，尽柔兆摄提格，凡二年有奇。

#### 后梁纪

- (卷一) 起强圉单阏，尽著雍执徐七月，凡一年有奇。
- (卷二) 起著雍执徐八月，尽重光协洽二月，凡二年有奇。
- (卷三) 起重光协洽三月，尽昭阳作噩十一月，凡二年有奇。
- (卷四) 起昭阳作噩十二月，尽强圉赤奋若六月，凡三年有奇。
- (卷五) 起强圉赤奋若七月，尽屠维单阏九月，凡二年有奇。
- (卷六) 起屠维单阏十月，尽玄默敦牂，凡三年有奇。

#### 后唐纪

- (卷一) 昭阳协洽，一年。
- (卷二) 起阏逢涿滩，尽旃蒙作噩十月，凡一年有奇。

- (卷三) 起旃蒙作噩十一月，尽柔兆阉茂三月，不满一年。
- (卷四) 起柔兆阉茂四月，尽强圉大渊献六月，凡一年有奇。
- (卷五) 起强圉大渊献七月，尽屠维赤奋若，凡二年有奇。
- (卷六) 起上章摄提格，尽玄默执徐六月，凡二年有奇。
- (卷七) 起玄默执徐七月，尽阉逢敦牂闰正月，凡一年有奇。
- (卷八) 起阉逢敦牂二月，尽旃蒙协洽，凡一年有奇。

#### 后晋纪

- (卷一) 柔兆涪滩，一年。
- (卷二) 起强圉作噩，尽著雍阉茂，凡二年。
- (卷三) 起屠维大渊献，尽重光赤奋若，凡三年。
- (卷四) 起玄默摄提格，尽阉逢执徐正月，凡二年有奇。
- (卷五) 起阉逢执徐二月，尽旃蒙大荒落七月，凡一年有奇。
- (卷六) 起旃蒙大荒落八月，尽柔兆敦牂，凡一年有奇。

#### 后汉纪

- (卷一) 起强圉协洽正月，尽四月，不满一年。
- (卷二) 起强圉协洽五月，尽著雍涪滩二月，不满一年。
- (卷三) 起著雍涪滩三月，尽屠维作噩，凡一年有奇。
- (卷四) 上章阉茂，一年。

#### 后周纪

- (卷一) 起重光大渊献，尽玄默困敦八月，凡一年有奇。
- (卷二) 起玄默困敦九月，尽阉逢摄提格四月，凡一年有奇。
- (卷三) 起阉逢摄提格五月，尽柔兆执徐二月，凡一年有奇。
- (卷四) 起柔兆执徐三月，尽强圉大荒落，凡一年有奇。
- (卷五) 起著雍敦牂，尽屠维协洽，凡二年。

## 周纪

- (卷一)周纪一(起著雍摄提格,尽玄默困敦,凡三十五年)
- (卷二)起昭阳赤奋若,尽上章困敦,凡四十八年。
- (卷三)起重光赤奋若,尽昭阳大渊献,凡二十三年。
- (卷四)起阏逢困敦,尽著雍困敦,凡二十五年。
- (卷五)起屠维赤奋若,尽旃蒙大荒落,凡十七年。

## 威烈王

二十三年戊寅，公元前四零三年

初命晋大夫魏斯、赵籍、韩虔为诸侯。

臣光曰：臣闻天子之职莫大于礼，礼莫大于分，分莫大于名。何谓礼？纪纲是也；何谓分？君臣是也；何谓名？公、侯、卿、大夫是也。夫以四海之广，兆民之众，受制于一人，虽有绝伦之力，高世之智，莫敢不奔走而服役者，岂非以礼为之纲纪哉！是故天子统三公，三公率诸侯，诸侯制卿大夫，卿大夫治士庶人。贵以临贱，贱以承贵。上之使下，犹心腹之运手足，根本之制支叶；下之事上，犹手足之卫心腹，支叶之庇本根。然后能上下相保而国家治安。故曰：天子之职莫大于礼也。

文王序《易》，以乾坤为首。孔子系之曰：“天尊地卑，乾坤定矣，卑高以陈，贵贱位矣。”言君臣之位，犹天地之不可易也。《春秋》抑诸侯，尊周室，王人虽微，序于诸侯之上，以是见圣人于君臣之际，未尝不惓惓也。非有桀、纣之暴，汤、武之仁，人归之，天命之，君臣之分，当守节伏死而已矣。是故以微子而代纣，则成汤配天矣；以季札而君吴，则太伯血食矣。然二子宁亡国而不为者，诚以礼之大节不可乱也。故曰：礼莫大于分也。

夫礼，辨贵贱，序亲疏，裁群物，制庶事。非名不著，非器不形。名以命之，器以别之，然后上下粲然有伦，此礼之大经也。名器既亡，则礼安得独在哉？昔仲叔于奚有功于卫，辞邑而请繁纓，孔子以为不如多与之邑。惟名与器，不可以假人，君之所司也。政亡，则国家从之。卫君待孔子而为政，孔子欲先正名，以为名不正则民无所措手足。夫繁纓，小物也，而孔子惜之；正名，细务也，而孔子先之。诚以名器既乱，则上下无以相保故也。夫事未有不生于微而成于著。圣人之虑远，故能谨其微而治之；众人之识近，故必待其著而后救之。治其微，则用力寡而功多；救其著，则竭力而不能及也。《易》曰：“履霜，坚冰至”，《书》曰：“一日二日万几”，谓此类也。故曰：分莫大于名也。

呜呼！幽、厉失德，周道日衰，纲纪散坏，下陵上替，诸侯专征，大夫擅政。礼之大体，什丧七八矣。然文、武之祀犹绵绵相属者，盖以周之子孙尚能守其名分故也。何以言之？昔晋文公有大功于王室，请隧于襄王，襄王不许，曰：“王章也。未有代德而有二王，亦叔父之所恶也。不然，叔父有地而隧，又何请焉！”文公于是乎惧而不敢违。是故以周之地则不大于曹、滕，以周之民则不众于邾、莒，然历数百年，宗主天下，虽以晋、楚、齐、秦之强，不敢加者，何哉？徒以名分尚存故也。至于季氏之于鲁，田常之于齐，白公之于楚，智伯之于晋，其势皆足以逐君而自为，然而卒不敢者，岂其力不足而心不忍哉？乃畏奸名犯分而天下共诛之也。今晋大夫暴蔑其君，剖分晋国，天子既不能讨，又宠秩之，使列于诸侯，是区区之名分复不能守而并弃之也。先王之礼于斯尽矣。或者以为当是之时，周室微弱，三晋强盛，虽欲勿许，其可得乎？是大不然。夫三晋虽强，苟不顾天下之诛而犯义侵礼，则不请于天子而自立矣。不请于天子而自立，则为悖逆之臣。天下苟有桓、文之君，必奉礼义而征之。今请于天子而天子许之，是受天子之命而为诸侯也，谁得而讨之！故三晋之列于诸侯，非三晋之坏礼，乃天子自坏之也。

呜呼！君臣之礼既坏矣，则天下以智力相雄长，遂使圣贤之后为诸侯者，社稷无不泯绝，生民之类糜灭几尽，岂不哀哉！

初，智宣子将以瑶为后。智果曰：“不如宵也。瑶之贤于人者五，其不逮者一也。美鬢长大则贤，射御足力则贤，伎艺毕给则贤，巧文辩慧则贤，强毅果敢则贤，如是而甚不仁。夫以其五贤

陵人，而以不仁行之，其谁能待之？若果立瑶也，智宗必灭。”弗听，智果别族于太史为辅氏。赵简子之子，长曰伯鲁，幼曰无恤。将置后，不知所立。乃书训戒之辞于二简，以授二子曰：“谨识之。”三年而问之，伯鲁不能举其辞，求其简，已失之矣。问无恤，诵其辞甚习，求其简，出诸袖中而奏之。于是简子以无恤为贤，立以为后。简子使尹铎为晋阳。请曰：“以为茧丝乎？抑为保障乎？”简子曰：“保障哉！”尹铎损其户数。简子谓无恤曰：“晋国有难，而无以尹铎为少，无以晋阳为远，必以为归。”及智宣子卒，智襄子为政，与韩康子、魏桓子宴于蓝台。智伯戏康子而侮段规，智国闻之，谏曰：“主不备难，难必至矣！”智伯曰：“难将由我。我不为难，谁敢兴之？”对曰：“不然。《夏书》有之曰：‘一人三失，怨岂在明，不见是图。’夫君子能勤小物，故无大患。今主一宴而耻人之君相，又弗备，曰不敢兴难，无乃不可乎！蚋、蚁、蜂、蚕，皆能害人，况君相乎！”弗听。

智伯请地于韩康子，康子欲弗与。段规曰：“智伯好利而愎，不与，将伐我；不如与之。彼狃于得地，必请于他人；他人不与，必向之以兵。然则我得免于患而待事之变矣。”康子曰：“善。”使使者致万家之邑于智伯，智伯悦。又求地于魏桓子，桓子欲弗与。任章曰：“何故弗与？”桓子曰：“无故索地，故弗与。”任章曰：“无故索地，诸大夫必惧；吾与之地，智伯必骄。彼骄而轻敌，此惧而相亲。以相亲之兵待轻敌之人，智氏之命必不长矣。《周书》曰：‘将欲败之，必姑辅之；将欲取之，必姑与之。’主不如与之以骄智伯，然后可以择交而图智氏矣。奈何独以吾为智氏质乎！”桓子曰：“善。”复与之万家之邑一。智伯又求蔡、皋狼之地于赵襄子，襄子弗与。智伯怒，帅韩、魏之甲以攻赵氏。襄子将出，曰：“吾何走乎？”从者曰：“长子近，且城厚完。”襄子曰：“民罢力以完之，又毙死以守之，其谁与我！”从者曰：“邯郸之仓库实。”襄子曰：“浚民之膏泽以实之，又因而杀之，其谁与我！其晋阳乎，先主之所属也，尹铎之所宽也，民必和矣。”乃走晋阳。

三家以国人围而灌之，城不浸者三版。沈灶产蛙，民无叛意。智伯行水，魏桓子御，韩康子骖乘。智伯曰：“吾乃今知水可以亡人国也。”桓子肘康子，康子履桓子之跗，以汾水可以灌安邑，绛水可以灌平阳也。絺疵谓智伯曰：“韩、魏必反矣。”智伯曰：“子何以知之？”絺疵曰：“以人事知之。夫从韩、魏之兵以攻赵，赵亡，难必及韩、魏矣。今约胜赵而三分其地，城不没者三版，人马相食，城降有日，而二子无喜志，有忧色，是非反而何？”明日，智伯以絺疵之言告二子，二子曰：“此夫谗臣欲为赵氏游说，使主疑于二家而懈于攻赵氏也。不然，夫二家岂不利朝夕分赵氏之田，而欲为危难不可成之事乎？”二子出，絺疵入曰：“主何以臣之言告二子也？”智伯曰：“子何以知之？”对曰：“臣见其视臣端而趋疾，知臣得其情故也。”智伯不悛。絺疵请使于齐。赵襄子使张孟谈潜出见二子，曰：“臣闻唇亡则齿寒。今智伯帅韩、魏而攻赵，赵亡则韩、魏为之次矣。”二子曰：“我心知其然也，恐事未遂而谋泄，则祸立至矣”。张孟谈曰：“谋出二主之口，入臣之耳，何伤也？”二子乃潜与张孟谈约，为之期日而遣之。襄子夜使人杀守堤之吏，而决水灌智伯军。智伯军救水而乱，韩、魏翼而击之，襄子将卒犯其前，大败智伯之众。遂杀智伯，尽灭智氏之族。唯辅果在。

臣光曰：智伯之亡也，才胜德也。夫才与德异，而世俗莫之能辨，通谓之贤，此其所以失人也。夫聪察强毅之谓才，正直中和之谓德。才者，德之资也；德者，才之帅也。云梦之竹，天下之劲也，然而不矫揉，不羽括，则不能以入坚；棠溪之金，天下之利也，然而不熔范，不砥砺，则不能以击强。是故才德全尽谓之圣人，才德兼亡谓之愚人，德胜才谓之君子，才胜德谓之小人。凡

取人之术，苟不得圣人、君子而与之，与其得小人，不若得愚人。何则？君子挟才以为善，小人挟才以为恶。挟才以为善者，善无不至矣；挟才以为恶者，恶亦无不至矣。愚者虽欲为不善，智不能周，力不能胜，譬之乳狗搏人，人得而制之。小人智足以遂其奸，勇足以决其暴，是虎而翼者也，其为害岂不多哉！夫德者人之所严，而才者人之所爱。爱者易亲，严者易疏，是以察者多蔽于才而遗于德。自古昔以来，国之乱臣，家之败子，才有馀而德不足，以至于颠覆者多矣，岂特智伯哉！故为国为家者，苟能审于才德之分而知所先后，又何失人之足患哉！

三家分智氏之田。赵襄子漆智伯之头，以为饮器。智伯之臣豫让欲为之报仇，乃诈为刑人，挟匕首，入襄子宫中涂厕。襄子如厕心动，索之，获豫让。左右欲杀之，襄子曰：“智伯死无后，而此人欲为报仇，真义士也！吾谨避之耳。”乃舍之。豫让又漆身为癞，吞炭为哑，行乞于市，其妻不识也。行见其友，其友识之，为之泣曰：“以子之才，臣事赵孟，必得近幸。子乃为所欲为，顾不易邪？何乃自苦如此！求以报仇，不亦难乎？”豫让曰：“不可！既已委质为臣，而又求杀之，是二心也。凡吾所为者，极难耳。然所以为此者，将以愧天下后世之为人臣怀二心者也。”襄子出，豫让伏于桥下。襄子至桥，马惊，索之，得豫让，遂杀之。襄子为伯鲁之不立也，有子五人，不肯置后。封伯鲁之子于代，曰代成君，早卒，立其子浣为赵氏后。襄子卒，弟桓子逐浣而自立，一年卒。赵氏之人曰：“桓子立，非襄主意。”乃共杀其子，复迎浣而立之，是为献子。献子生籍，是为烈侯。魏斯者，魏桓子之孙也，是为文侯。韩康子生武子，武子生虔，是为景侯。

魏文侯以卜子夏、田子方为师，每过段干木之庐必式。四方贤士多归之。文侯与群臣饮酒，乐，而天雨，命驾将适野。左右曰：“今日饮酒乐，天又雨，君将安之？”文侯曰：“吾与虞人期猎，虽乐，岂可无一会期哉！”乃往，身自罢之。韩借师于魏以伐赵。文侯曰：“寡人与赵，兄弟也，不敢闻命。”赵借师于魏以伐韩，文侯应之亦然。二国皆怒而去。已而知文侯以讲于己也，皆朝于魏。魏由是始大于三晋，诸侯莫能与之争。使乐羊伐中山，克之，以封其子击。文侯问于群臣曰：“我何如主？”皆曰：“仁君。”任座曰：“君得中山，不以封君之弟而以封君之子，何谓仁君？”文侯怒，任座趋出。次问翟璜，对曰：“仁君也。”文侯曰：“何以知之？”对曰：“臣闻君仁则臣直。向者任座之言直，臣是以知之。”文侯悦，使翟璜召任座而反之，亲下堂迎之，以为上客。文侯与田子方饮，文侯曰：“钟声不比乎？左高。”田子方笑。文侯曰：“何笑？”子方曰：“臣闻之，君明乐官，不明乐音。今君审于音，臣恐其聋于官也。”文侯曰：“善。”子击出，遭田子方于道，下车伏谒。子方不为礼。子击怒，谓子方曰：“富贵者骄人乎？贫贱者骄人乎？”子方曰：“亦贫贱者骄人耳，富贵者安敢骄人？国君而骄人则失其国，大夫而骄人则失其家。失其国者未闻有以国待之者也，失其家者未闻有以家待之者也。夫士贫贱者，言不用，行不合，则纳履而去耳，安往而不得贫贱哉！”子击乃谢之。文侯谓李克曰：“先生尝有言曰：‘家贫思良妻，国乱思良相。’今所置非成则璜，二子何如？”对曰：“卑不谋尊，疏不谋戚。臣在阙门之外，不敢当命。”文侯曰：“先生临事勿让。”克曰：“君弗察故也。居视其所亲，富视其所与，达视其所举，穷视其所不为，贫视其所不取，五者足以定之矣，何待克哉！”文侯曰：“先生就舍，吾之相定矣。”李克出，见翟璜。翟璜曰：“今者闻君召先生而卜相，果谁为之？”克曰：“魏成。”翟璜忿然作色曰：“西河守吴起，臣所进也；君内以邲为忧，臣进西门豹；君欲伐中山，臣进乐羊；中山已拔，无使守之，臣进先生；君之子无傅，臣进屈侯鲋。以耳目之所睹记，臣何负于魏成？”李克曰：“子之言克于子之君者，岂将比周以求大官哉？君问相于克，克之对如是。所以知君之必相

魏成者，魏成食禄千钟，什九在外，什一在内，是以东得卜子夏、田子方、段干木。此三人者，君皆师之；子所进五人者，君皆臣之。子恶得与魏成比也！“翟璜逡巡再拜曰：“璜，鄙人也，失对，愿卒为弟子。”

吴起者，卫人，仕于鲁。齐人伐鲁，鲁人欲以为将，起取齐女为妻，鲁人疑之，起杀妻以求将，大破齐师。或谮之鲁侯曰：“起始事曾参，母死不奔丧，曾参绝之。今又杀妻以求为君将。起，残忍薄行人也。且以鲁国区区而有胜敌之名，则诸侯图鲁矣。”起恐得罪。闻魏文侯贤，乃往归之。文侯问诸李克，李克曰：“起贪而好色，然用兵，司马穰苴弗能过也。”于是文侯以为将，击秦，拔五城。起之为将，与士卒最下者同衣食，卧不设席，行不骑乘，亲裹赢粮，与士卒分劳苦。卒有病疽者，起为吮之。卒母闻而哭之。人曰：“子，卒也，而将军自吮其疽，何哭为？”母曰：“非然也。往年吴公吮其父，其父战不还踵，遂死于敌。吴公今又吮其子，妾不知其死所矣，是以哭之。”

燕湣公薨，子僖公立。

二十四年己卯，公元前四零二年

王崩，子安王骄立。

盗杀楚声王，国人立其子悼王。

安王

△元年庚辰，公元前四零一年

秦伐魏，至阳狐。

二年辛巳，公元前四零零年

魏、韩、赵伐楚，至桑丘。

郑围韩阳翟。

韩景侯薨，子烈侯取立。

赵烈侯薨，国人立其弟武侯。

秦简公薨，子惠公立。

三年壬午，公元前三九九年

王子定奔晋。

虢山崩，壅河。

四年癸未，公元前三九八年

楚围郑。郑人杀其相驷子阳。

五年甲申，公元前三九七年

日有食之。

三月，盗杀韩相侠累。侠累与濮阳严仲子有恶。仲子闻轹人聂政之勇，以黄金百镒为政母寿，欲因以报仇。政不受，曰：“老母在，政身未敢以许人也！”及母卒，仲子乃使政刺侠累。侠累方坐府上，兵卫甚众，聂政直入上阶，刺杀侠累，因自皮面抉眼，自屠出肠。韩人暴其尸于市，购问，莫能识。其姊嫫闻而往哭之，曰：“是轹深井里聂政也。以妾尚在之故，重自刑以绝从。妾奈何畏殁身之诛，终灭贤弟之名！”遂死于政尸之旁。

六年乙酉，公元前三九六年

郑驷子阳之党弑繻公，而立其弟乙，是为康公。

宋悼公薨，子休公田立。

八年丁亥，公元前三九四年

齐伐鲁，取最。韩救鲁。

郑负黍叛，复归韩。

九年戊子，公元前三九三年

魏伐郑。

晋烈公薨，子孝公倾立。

十一年庚寅，公元前三九一年

秦伐韩宜阳，取六邑。

初，田常生襄子盘，盘生庄子白，白生太公和。是岁，齐田和迁齐康公于海上，使食一城，以奉其先祀。

十二年辛卯，公元前三九零年

秦、晋战于武城。

齐伐魏，取襄阳。

鲁败齐师于平陆。

十三年壬辰，公元前三八九年

秦侵晋。

齐田和会魏文侯、楚人、卫人于浊泽，求为诸侯。魏文侯为之请于王及诸侯，王许之。

十五年甲午，公元前三八七年

秦伐蜀，取南郑。

魏文侯薨，太子击立，是为武侯。

武侯浮西河而下，中流顾谓吴起曰：“美哉山河之固，此魏国之宝也！”对曰：“在德不在险。昔三苗氏，左洞庭，右彭蠡，德义不修，禹灭之；夏桀之居，左河济，右泰华，伊阙在其南，羊肠在其北，修政不仁，汤放之；商纣之国，左孟门，右太行，常山在其北，大河经其南，修政不德，武王杀之。由此观之，在德不在险。若君不修德，舟中之人皆敌国也。”武侯曰：“善。”魏置相，相田文。吴起不悦，谓田文曰：“请与子论功，可乎？”田文曰：“可。”起曰：“将三军，使士卒乐死，敌国不敢谋，子孰与起？”文曰：“不如子。”起曰：“治百官，亲万民，实府库，子孰与起？”文曰：“不如子。”起曰：“守西河而秦兵不敢东乡，韩、赵宾从，子孰与起？”文曰：“不如子。”起曰：“此三者子皆出吾下，而位加吾上，何也？”文曰：“主少国疑，大臣未附，百姓不信，方是之时，属之子乎，属之我乎？”起默然良久，曰：“属之子矣。”久之，魏相公叔尚魏公主而害吴起。公叔之仆曰：“起易去也。起为人刚劲自喜，子先言于君曰：‘吴起，贤人也，而君之国小，臣恐起之无留心也，君盍试延以女？起无留心，则必辞矣。’子因与起归而使公主辱子，起见公主之贱子也，必辞，则子之计中矣。”公叔从之，吴起果辞公主。魏武侯疑之而未信，起惧诛，遂奔楚。楚悼王素闻其贤，至则任之为相。起明法审令，捐不急之官，废公族疏远者，以抚养战斗之士，要在强兵，破游说之言从横者。于是南平百越，北却三晋，西伐秦，诸侯皆患楚之强，而楚之贵戚大臣多怨吴起者。

秦惠公薨，子出公立。

赵武侯薨，国人复立烈侯之太子章，是为敬侯。



韩烈侯薨，子文侯立。

十六年乙未，公元前三八六年

初命齐大夫田和为诸侯。

赵公子朝作乱，出奔魏，与魏袭邯郸，不克。

十七年丙申，公元前三八五年

秦庶长改逆献公于河西而立之；杀出子及其母，沉之渊旁。

齐伐鲁。

韩伐郑，取阳城；伐宋，执宋公。

齐太公薨，子桓公午立。

十九年戊戌，公元前三八三年

魏败赵师于兔台。

二十年己亥，公元前三八二年

日有食之，既。

二十一年庚子，公元前三八一年

楚悼王薨，贵戚大臣作乱，攻吴起，起走之王尸而伏之。击起之徒因射刺起，并中王尸。既葬，肃王即位。使令尹尽诛为乱者，坐起夷宗者七十馀家。

二十二年辛丑，公元前三八零年

齐伐燕，取桑丘。魏、韩、赵伐齐，至桑丘。

二十三年壬寅，公元前三七九年

赵袭卫，不克。

齐康公薨，无子，田氏遂并齐而有之。

是岁，齐桓公亦薨，子威王因齐立。

二十四年癸卯，公元前三七八年

狄败魏师于澹。

魏、韩、赵伐齐，至灵丘。

晋孝公薨，子靖公俱酒立。

二十五年甲辰，公元前三七七年

蜀伐楚，取兹方。

子思言苟变于卫侯曰：“其材可将五百乘。”公曰：“吾知其可将。然变也尝为吏，赋于民而食人二鸡子，故弗用也。”子思曰：“夫圣人之官人，犹匠之用木也，取其所长，弃其所短。故杞梓连抱而有数尺之朽，良工不弃。今君处战国之世，选爪牙之士，而以二卵弃干城之将，此不可使闻于邻国也。”公再拜曰：“谨受教矣。”卫侯言计非是，而群臣和者如出一口。子思曰：“以吾观卫，所谓‘君不君，臣不臣’者也。”公丘懿子曰：“何乃若是？”子思曰：“人主自臧，则众谋不进。事是而臧之，犹却众谋，况和非以长恶乎！夫不察事之是非而悦人赞己，闇莫甚焉；不度理之所在而阿谀求容，谄莫甚焉。君闇臣谄，以居百姓之上，民不与也。若此不已，国无类矣！”子思言于卫侯曰：“君之国事将日非矣！”公曰：“何故？”对曰：“有由然焉。君出言自以为是，而卿大夫莫敢矫其非；卿大夫出言亦自以为是，而士庶人莫敢矫其非。君臣既自贤矣，而群下同声贤之，贤之则顺而有福，矫之则逆而有祸，如此则善安从生！《诗》曰：‘具曰予圣，谁知乌之雌雄？’抑

亦似君之君臣乎？”

鲁穆公薨，子共公奋立。

韩文侯薨，子哀侯立。

二十六年乙巳，公元前三七六年

王崩，子烈王喜立。魏、韩、赵共废晋靖公为家人而分其地。

烈王

△元年丙午，公元前三七五年

日有食之。

韩灭郑，因徙都之。

赵敬侯薨，子成侯种立。

三年戊申，公元前三七三年

燕败齐师于林狐。

鲁伐齐，入阳关。

魏伐齐，至博陵。

燕僖公薨，子桓公立。

宋休公薨，子辟公立。

卫慎公薨，子声公训立。

四年己酉，公元前三七二年

赵伐卫，取都鄙七十三。

魏败赵师于北蒯。

五年庚戌，公元前三七一年

魏伐楚，取鲁阳。

韩严遂弑哀侯，国人立其子懿侯。初，哀侯以韩廆为相而爱严遂，二人甚相害也。严遂令人刺韩廆于朝，廆走哀侯，哀侯抱之。人刺韩廆，兼及哀侯。

魏武侯薨，不立太子，子罃与公中缓争立，国内乱。

六年辛亥，公元前三七零年

齐威王来朝。是时周室微弱，诸侯莫朝，而齐独朝之，天下以此益贤威王。

赵伐齐，至鄆。

魏败赵师于怀。

齐威王召即墨大夫，语之曰：“自子之居即墨也，毁言日至。然吾使人视即墨，田野辟，人民给，官无事，东方以宁。是子不事吾左右以求助也。”封之万家。召阿大夫，语之曰：“自子守阿，誉言日至。吾使人视阿，田野不辟，人民贫馁。昔日赵攻鄆，子不救；卫取薛陵，子不知。是子厚币事吾左右以求誉也。”是日，烹阿大夫及左右尝誉者。于是群臣耸惧，莫敢饰诈，务尽其情，齐国大治，强于天下。

楚肃王薨，无子，立其弟良夫，是为宣王。

宋辟公薨，子剔成立。

七年壬子，公元前三六九年

日有食之。

王崩，弟扁立，是为显王。

魏大夫王错出奔韩。公孙颀谓韩懿侯曰：“魏乱，可取也。”懿侯乃与赵成侯合兵伐魏，战于浊泽，大破之，遂围魏。成侯曰：“杀瑩，立公中缓，割地而退，我二国之利也。”懿侯曰：“不可。杀魏君，暴也；割地而退，贪也。不如两分之。魏分为两，不强于宋、卫，则我终无魏患矣。”

“赵人不听。懿侯不悦，以其兵夜去。赵成侯亦去。瑩遂杀公中缓而立，是为惠王。”

太史公曰：魏惠王之所以身不死，国不分者，二国之谋不和也。若从一家之谋，魏必分矣。故曰：“君终，无適子，其国可破也。”

显王元年（癸丑，公元前三六八年）

齐伐魏，取观津。

赵侵齐，取长城。

显王三年（乙卯，公元前三六六年）

魏、韩会于宅阳。

秦败魏师、韩师于洛阳。

显王四年（丙辰，公元前三六五年）

魏伐宋。

显王五年（丁巳，公元前三六四年）

秦献公败三晋之师于石门，斩首六万。王赐以黼黻之服。

显王七年（己未，前三六二年）

魏败韩师、赵师于浚。秦、魏战于少梁，魏师败绩；获魏公孙痤。

卫声公薨，子成侯速立。

燕桓公薨，子文公立。

秦献公薨，子孝公立。孝公生二十一年矣。是时河、山以东强国六，淮、泗之间小国十馀，楚、魏与秦接界。魏筑长城，自郑滨洛以北有上郡；楚自汉中，南有巴、黔中；皆以夷翟遇秦，摈斥之，不得与中国之会盟。于是孝公发愤，布德修政，欲以强秦。

显王八年（庚申，公元前三六一年）

孝公令国中曰：“昔我穆公，自岐、雍之间修德行武，东平晋乱，以河为界，西霸戎翟，广地千里，天子致伯，诸侯毕贺，为后世开业甚光美。会往者厉、躁、简公、出子之不宁，国家内忧，未遑外事。三晋攻夺我先君河西地，丑莫大焉。献公即位，镇抚边境，徙治栎阳，且欲东伐，复穆公之故地，修穆公之政令。寡人思念先君之意，常痛于心。宾客群臣有能出奇计强秦者，吾且尊官，与之分土。”于是卫公孙鞅闻是令下，乃西入秦。公孙鞅者，卫之庶孙也，好刑名之学。事魏相公叔痤，痤知其贤，未及进。会病，魏惠王往问之曰：“公叔病如有不可讳，将奈社稷何？”公叔曰：“痤之中庶子卫鞅，年虽少，有奇才，愿君举国而听之！”王嘿然。公叔曰：“君即不听用鞅，必杀之，无令出境。”王许诺而去。公叔召鞅谢曰：“吾先君而后臣，故先为君谋，后以告子。子必速行矣！”鞅曰：“君不能用子之言任臣，又安能用子之言杀臣乎？”卒不去。王出，谓左右曰：“公叔病甚，悲乎！欲令寡人以国听卫鞅也，既又劝寡人杀之，岂不悖哉！”卫鞅既至秦，因嬖臣景监以求见孝公，说以富国强兵之术。公大悦，与议国事。

显王十年（壬戌，公元前三五九年）

卫鞅欲变法，秦人不悦。卫鞅言于秦孝公曰：“夫民不可与虑始，而可与乐成。论至德者不和于俗，成大功者不谋于众。是以圣人苟可以强国，不法其故。”甘龙曰：“不然。缘法而治者，吏习而民安之。”卫鞅曰：“常人安于故俗，学者溺于所闻，以此两者，居官守法可也，非所与论于法之外也。智者作法，愚者制焉；贤者更礼，不肖者拘焉。”公曰：“善。”以卫鞅为左庶长，卒定变法之令。令民为什伍而相收司、连坐，告奸者与斩敌首同赏，不告奸者与降敌同罚。有军功者，各以率受上爵。为私斗者，各以轻重被刑大小。僇力本业，耕织致粟帛多者，复其身。事末利及怠而贫者，举以为收孥。宗室非有军功论，不得为属籍。明尊卑爵秩等级，各以差次名田宅、臣妾、衣服。有功者显荣，无功者虽富无所芬华。令既具未布，恐民之不信，乃立三丈之木于国都